



17795

lat.komp.

I

Mag. St. Dr.

P

Sidecki Christoph: Melos Tatarovii Clariss.
novis Coniugibus D. Andr. Cieniorii
cum Catharina Schedelia.

PANEG. et VITAE


Polon. 4^a

№ 107.

Biblioteka Jagiellońska



stdr0004753



MELOS
TALASSII,

Clarissimis

Nouis Coniugibus,

D. ANDREÆ
CIENIOWIC,

Cum

Virgine pudicissima,

CATHARINA
SCHEDELIA,

Consultiss. Viri

D. CHRISTOPHO-
RISCHEDELII

Ciuis & Consulis Cracou.

FILIA.

et

M. CHRISTOPHORO SIDECKI

Phil. Doct. Obseruantia ergò D. Cq̃.

BIBLIOTH. UNI.



ORCELLIOWIC

IN ARMA
Clarissimi Dñi SPONS.



17795

Carpio quid tandem insultas fluvialibus undis?

Et non more tuo lubrica in antra subis?

Iam scio, amore graui spatioso in flumine langues,

Vmbra[m] aliamq[ue] petis solliciti Æthiopis.

Nè dubita stellatus apex, Sydu[s]q[ue] benignum.

Quod Vir iste tenet, te bene reficiet.

piz. Vieg. unat

Donna

IN ARMA
Lectiss. VIRGINIS.



*Ad fluvium Virgo propera Sponsūq̃, saluta
Carpio te, patrio flumine tinger amans.
Hanc quoq̃, quam Phæbus faciem infuscavit amenam,
Carpio perspicuo fonte lauabit ouans.
Candidiusq̃, tibi Sydus lucebit amicum,
Hac in aqua feruens ignis amoris inest.*

IN A M A I
Lectur. Virg. I
Vir qui est paterfamilias, & vxorī
& liberis, velut ingenuis imperat,
non eodem tamen imperij genere;
sed vxori quidem Politica & Ciuili,
liberis verò regia auctoritate.

Arist. l. Polit. cap. 8.


CONSVLTISSIMO
ET
VIGILANTISSIMO

Peraugustæ Urbis Cracouien.

SENATORI

D. CHRISTOPHO-
RO SCHEDELIO
Mæcenatiq; amplissimo.

M. CHRISTOPHORVS SIDECKI S.&P.

 *Austissimas inter Hospitum Cuiumq;
amicissimorū congratulationes, meus
etiam tuum in conspectum præceps eru-
pit Talassius. Antiquus ille fuit nupti-
arum Deus, qui à raptu Sabinarum nomenq; origi-
nem accepit. Cur verò hunc potissimum quasi è tene-
bris in lucem excitavi? cum præsertim Tua modestissi-
mè & honestissimè educata filia, non ad ullum Romu-
lum delata, sed ad præstantissimū Iuuenem atq; Spon-
sum, sit Tua voluntate deducta? Impromptu cau-
sa*

sa est, antiquitatis (quæ sæpè in hac solennitate nuptiarum retineri solet) habui rationem. Iam verò fauet Tuæ Charissima Filia, (quæ ex candido pectore promanauit) Paterna Maternaq; pietas, religio, fides: fauet Tuum Gentilitium Sydus, dextro hereditarioq; iure retentum & excitatum: fauent merita, amicitia, & quâ tandem inter Vicinos & Cives amplissimos, clarissima in urbe viget non mediocris auctoritas. Vire felix & fortunatus, tantisq; bonis, bono auspicio & Sydere cumulatis, ad Pylij senis sæcula sine aduersa fortune offensione, perfruere.



MELOS TALASII

Póeta ad Clarissimos Hospites.

ET meritò: quis enim promptissima carmina fausto
Auocet à thalamo?
Ingeminate Viri plausum, iuuenesque puellæque,
Et reparate choros,
Sponsus adest, Venerisq; nepos dulcissimus ille
Ille venustus adest,
Ille C I E N I O V I C I V S firmus florentibus annis
Nomine req; potens.
Cui dedit ingenuum genialis stella vigorem
Et sine felle animum.
Mercurius linguam Suadella instruxit amæna
Multipliciq; sono.
Ecce Italus, Gallus, Germanus, Turca, Latinus.
Verba diserta sonant;
Verba diserta sonant, & se mirantur in vno
Ore C I E N I O V I C I J.
Cum se quisq; audit, superatur ab ore Polono
Osq; Sonumq; stupet.
Quid quod & hospitibus benefacta rependere blandæ
Suevit amicitia.
Quis conuiuia? quisq; dapes non ære paratas
Est numerare potis?
Quo tractanda modò pietas, quâ prouida Consi
Arte paranda manus?
Ergo

Ergo alacres conuiuæ animis celebrate Hymenæum
 Et geminate choros,
 Et geminate choros, plausus, risusque, iocosque,
 Sed sine felle iocos.
 Ferte iterum atq; iterum veteris spumantia Bachi
 Munera, vos famuli.
 O nemo rigidum hîc imitetur fronte Catonem,
 Nec Curium simulet.
 Hæc sacra sunt Veneris, sunt hæc dicata proteruis
 Festa Cupidinibus:
 Qui nitidis circumspectant ad singula ocellis
 Mellea verba sonant,
 Melleus est ollis vigor, & mens mellea, cuncta
 Mellea melle fluunt:
 At si quem ex illis nutu violaris acerbo,
 Fellea cuncta fluunt.
 Felleus est illis animus, male consona verba
 Et male sana fides.
 Nè iuuenes Venerem, aut Veneris temerate nepotes,
 Iuraq; amicitia.
 Quin potiùs sponso formosam adducite sponfam
 Delitium thalami.
 Ecce venit, pulchella venit, CATHARINA Virago
 Filia SCHEDELI.
 Filia SCHEDELI. Nympharum è millibus vna
 Conspicienda Craci.
 Cuius vt ingenui mores: sic mellea mens est,
 Melleus atque vigor.
 Ore rosas superare potest, aurumq; capillis
 Alba Alabastra manu.

Iam bone Sponse tuam nunc contemplare Melissam,
Dimidiumq; animæ.
Aspice lucentum sit gratia quanta genarum?
Quantus in ore pudor?
Quantus frontis honos, nitidis quæ vis in ocellis?
Quantaq; simplicitas?
Quantus inest membris decor omnibus? aut ego fallor?
Aut Venus ipsa venit?
Iuppiter hanc Danaæ præponeret, aureus imber
Non tamen hîc plueret.
Huius in amplexus quàm Daphnes iret Apollo,
Ista pudica magis.
Viuite felices, fortunatiq; vicissim
Sponsi in amore pares,
Nomen vt optatum contingat vtriq; parentis
Gentis in auxilium.
Soluite primitias Veneri, sic dulcia Vobis
Bella mouebit amor.
Bella mouebit amor, sic ipse Talassio, & ipsa,
Cypria bella mouent.
Bella mouent, occulta mouent, legionibus absq;
Dulcia bella mouent;
Dulcia bella mouent, Victrixq; tenella puella
Vir quoq; Victor erit.
Victor erit, seu Victus erit, seu Victa puella,
Vinci in amore iuuat.
Vinci in amore iuuat, placidum pariterq; laborem,
Sustinuisse iuuat.
Vester erit labor hic omnis. sed desine plura
Desine Musa loqui.

e Mura loqui, sacer est Veneritorus iste;
Hæc cecinisse sat est.

AD AMPLISSIMAM
Clarissimorum Socerorum
Familiam

D. D.

CHRISTOPHORVM SCHEDELIVM.

GERARDVM	PRIAMI.
VILEHELMVM	ORSETI.
PHILIPPVM	PHORCINI.

ODE

Tric. Tetrastr.

AT ecce! quæ per, consociabili
Plausu, hospitales vox resonat lares!
Ecquis serenam promus aulam
Hospes habet, comitatu amæno!
Quid ampla fragrant compita floribus!
Quid celsa fumant, atria odoribus!
Cui Sacra Phæbi templa læto,
Vndiq; sunt operata cantu?
Quid tam decorus nobilium nitor!
Quid tanta fernet pompa Quiritium!
Quid Virginum, quid vota Matrum?
Quid iuuenum chorus, & Virorum?

Agno?

Agnosco Vestrum fœdus amabile

Dulces Amici, mellea pectora

Fidæ Socërorum cateruæ

Sarmaticæ decora alta & vrbis.

Te Musa celsum tollit ad æthera

SCHEDELLIANI gloria Syderis

CIENTIOVI, vbi ipsa ritè postes

Candidior referat Vetustas.

Quid candidatos luminis aurei

Promam Hospites? quid magnanimum Patrem

SCHEDELIVM dicam? per orbem

Quem bona fama vehit quadigis!

In vrbe Craci nam quot adoreæ

Fulgent, amico sanguine prouidæ!

En quot Sodalium Talassius

Nexuit agminibus theatrum!

GERARDE quis vel te PRIAMI optime

Non principem agnoscit generis ducem

Aut prodromum Gentis beatum

Italicæ? Solidiq; amoris?

Quis VILLIHELMVM ignorat amabilem

ORSETI amænis ducere lusibus

Diesq; noctesq;, hospitem

Dum Paphyam puerumq; cantat?

PHILIPPE PHORCINI, tibi quæ Dei

Fauor negavit? Cui Charitum trias

Mores Venustos, Cuî Minerua

Cuî chorus ille Sacer Dearum

Opes perennes, Diuitis ingenî,

Nomen nec vnquam à nomine dissidens

Omen

Omen dederunt? Sic Talasius
Dotibus ingenuis Sodales
Beaut. Ergo Sydere iam bono
Ascende CIENIOVI in patriam domum,
Solare flammās; Virginis nē
Peſtus edant pariter tuumq;
Solare flammās. Noſtin vt improbæ
Vrant medullas. Tu Genero nouo
Largire quam poſcit Meliffam
Sit medicina parata vt ægro
SCHEDELLE prudens, atq; ſalubribus
Succurre ſuccis, nec ſine longius
Ardere amantem. Sic nouellum
Cornua cū nouies reponet
Titana coniunx, Filia pupulum
CIENIOVIANO ſanguine proferet:
Annis grauis ſic ex propage
Ex Genero capies nepotem.
Inaugurati connubialibus
Tædis Amici viuite, viuite,
O iam beati, fæderatæ
Viuite perpetuo cateruæ

BIBLIOTHECA



AGELLONICAE



